



22112

kat.komp.

III

Mag. St. Dr. P

Prim.

Biechanowski Stanisł. Jos. Decus erudition Cl. D. M.
Matthias Casim. Trektor.

PANEG. et VITAE

Polon. Fol.

№ 1478.

Biblioteka Jagiellońska



stdr0002526



DECUS
ERV DITVM.

Clarissimi, Spectabilis, & Excellentissimi Domini,

D. M. MATTHIÆ
CASIMIRI TRETERI,

Philosophiæ Doctoris, Consulis Casimiriensis,
D V M

In alma Vniuersitate Cracouiensi,
P E R

Clarissimum, & Admodum Reuerendum Dominum,

D. M. ADALBERTVM
ŁANCVCCKI

J. V. DOCTOREM,

& Professore eiusdemq; Inclytæ facultatis Decanū
Ecclesiæ Collegiatæ SS. Omnium Cancellarium, &
ad Sancti Michaelis in Arce Cracouiensi Canonicū,

Præpositum Luboricensem &c. &c.

Nobilissimâ I. V. Doctoratûs Laureâ.

Post præmissam, De Sententia Arbitrorum

feliciterq; disputatam quæstionem,

ritu solenni insigniretur,

Honoris & gratulationis ergo,

A

M. STANISLAO IOSEPHO BIEZANOWSKI Leop. P. D.

Apollineâ Panegyri

CELEBRATVM.

Anno Restauratæ salutis 1659 Die 16. Mensis Decembris,

Apud Viduam LVCÆ Kupisz, S. R. M. Typ.



DECUS ERVDITVM.

ET merito; quis enim niueo ventura, negasset
Sæcula cum Cygno niueis signanda Lapillis!
Fætaq; Liligeris, latèq; fragrantia nimbis;
Iturosq; dies CRACIO super Orbe togatos
Alite sub tanto, surrecturasq; Virorum
Ingentes animas, carissima pectora Phæbo,
Phæbeam volucrem dum stemmate gestat auito,
TRZEBICIVS Præsul, Musarum summa voluptas.
Vatibus en quantum numen, quantumq; futuri
Temporis augurium est, concessaq; quanta facultas,
Seû dextris illi faueant, seû forte sinistris
Ominibus, rerum varios euoluere cursus.
Nempe Tiarato Stoæ sub Præsîde Cygno,
Palladios instare dies, sæclûmq; togatum
Res docet, & toties Themidis per pulpita, perq;
Theologos apices, vernantia tempora cingens
Doctore decus, virtutis symbolon altæ;
Quale coronatas circum fulsisse Virorum
Publica lux frontes, non leuo sydere, vidit:
Vberiore magis, post tot tristissima Regni
Funera, post longe producta silentia noctis,
Lucis, & Aoniæ prouentu frondis, in ipso
Musarum, Regniq; sinu; cui credita soli
Iura coronarum, Lechici donaria Phæbi.
Hûc rostris matura suis, dotemq; beatam
Virtutis, geminaq; trahens insignia laurus,
Te quoq; , verticibus respondens gloria summis,
Parq; animus tanto duxit meritoq; , locoq; ,
Aonidum TRETERE decus, cultissima Pindi
Portio, Magnatum volupe, illibataq; Consi
Gloria, cui famulas fors aurea subdidit alas,
Ciuilesq; sibi quem formauere curules.
Nempe Lyram tenero post quam Te Pollice, fontes
Thespiacos inter, Clario sub Principe doctum
Ad nu neros reuocare, cohors Parnassia vidit;
(Vt sua non fallunt Cyrrhæ Vatesq; , Deasq; ,
Omina) Cracigenas ex Te, dixere togatum
Expectare iubar, poteras qui condere Musis
Zodiaco meliore Polum; duodena Virorum
Sydera, festiui succendens lampade plectri,
Lucidus ipse sui fons, & sol factus Olympi.
Cingulus hic alios Cytharæ, suadæq; labores

Traxit,

Traxit, & in nodum collectas protulit Orbi
 Interioris opes animi. Successit amānis
 Serius Archimedes Studijs, momentaq; librans
 Cælorum Vrania, supremo cardine Lapſa,
 Inq; tuo conclusa ſinu; quam Lechica circum
 Sydera voluentem, diſpenſantemq; futuras
 Cornigeræ, ſolisq; vices, ſpectauerat omnis
 Arctoas inter, qui claret Sarmata, Gentes.
 Sed cælo reduces curas Aſtræa popoſcit,
 Eripuitq; ſibi, CASIMIRI manibus altis
 Dum legum tabulas, conſultaq; publica fecit
 Arbitrio ſubiecta Tuo; quod iuris & æqui
 Amſanctas dotes, conſummatamq; requirit
 Iudicij lancem, deuotaq; pectora Conſo.
 Hinc Tua Iuridici dilexit verticis ingens
 Gloria Secretum, & ſcolles prægrefſa prophanos
 Doctorem celſo voluit ſuper Orbe locari.
 Id Tua dum poſcit mens laudatiſſima. namq;
 Quantus in aurato digitorum fulgurat Orbe
 Seu ſit onyx, ſeu ſit laſpis, ſeu forte beryllus,
 Scintillanſue Adamas, millenis gravior ardet
 Lampadibus, rutili iungit ſua quando metalli
 Lumina luminibus, nec in vna luce quieſcit;
 Sic Tibi non vno virtus ſudata labore
 Venit, & ad tantum qui Te duxere cacumen,
 Non vno fulſere gradus conamine; primis
 Sed quæ Te magnum Pallas formauerat annis,
 Et ſolido nutrire cibo, caſtiſq; ſolebat
 Muſarum, primisq; Sophûm potare fluentis;
 Hæc eadem triplicem Te duxit aduſq; coronam,
 Et vitæ pars magna Tuæ, cordisq; ſub imo
 Curarum fuerat celſiſſima cura Tuarum.
 Tantus in anguſtum pectus, ſumma omnia Regui
 Munera complexum Lechici, Martiſq; togæq;
 Veniſti virtute Tuâ; poteraſq; vetuſtæ
 Lucis in aſpectu, Magno Cenſore probari:
 Cui velut in vitrea SRENIAVÆ principis vnda
 Omne patet, liquido quidquid velamine condi,
 Atq; vdiſ voluit laribus naturâ quieſſe:
 Sic & in arcanas animorum irrumperet fibras,
 Ireq; per Latebras, perq; intima cordis, aduſq;
 Secretum conclaue boni, conceſſa poteſtas.
 Hæc acie, quæ ſumma videt, cenſetq; probatus,

Vifus

Visus es illustri conspectu, sorteq; tanta
 Dignus, & augmento laudum dignissimus omni.
 Annuit his, celsq; mihi Mauortius Heros
 Ore loqui, Vultuq; Hunnis Suecisq; timendo
 Bellaces animos, & formidabile nomen
 Laponidum extremo Dux LVBOMIRIVS Orbi
 Ad Tua sub signis encomia ferre videtur:
 Et quâ Vandalicas, nuper Geticasq; phalanges
 Terruerat; Thanaimq; suis, Baltimq; solebat
 Sisteret Limitibus, nunc in laudesq; decusq;
 Conspirasse Tuum dextra victrice fatetur,
 Teq; coronata gaudet iam sede reponi,
 Ipse coronarum Lechiæ, famæq; perennis,
 Atq; triumphorum plenus, laurusq; virentis
 Cis niueam frontem meritos lætatnr honores
 Surgere. Namq; illi virtus, doctrina, probaq;
 Grande Tui pretium fecit lux aurea mentis;
 Masculus ille animus, curarum pondere maior,
 Parq; oneri summo; quem tot Themidisq; Lyræq;
 Circumstant dotes, solidæ fundamina laudis,
 Iustinianæ decus immortale coronæ,
 Quæ se verticibus, dum iam conspectior infert
 Designata Tuis, latèq; per ardua serpit
 Rostra Cathedrarum; plausus, & barbita, mille
 Cumq; suis totum Cytharis Helicon meretur.
 Sospitet ô vtinam cælorum summa potestas,
 Quod voluit frondente caput circumdare vittâ;
 Coniungatq; decus decori seriemq; bonorum
 Inter honoratos apices, per maxima ferri
 Incrementa sinat: donec consistat in vno
 Consummata gradu, virtus, & fama perennis:
 Varibus vt vatem, doctoraliq; decorum
 Fronde, mitrâq; Virum, longæuo sæpius olim
 Annorum tractu, felicibus vndiq; votis
 Et consanguineis liceat vincere corymbis.

Soli Deo honor & gloria





